



Na osnovu člana 15. stav (1), tačka a) Zakona o odbrani Bosne i Hercegovine („Službeni glasnik BiH“ broj: 88/05), a u skladu sa članovima 16., 17. i 18. Pravilnika o školovanju kadeta i vojnih stipendista, broj: 10-02-3-1550-41/18 od 26.04.2019. godine („Službeni glasnik BiH“, broj: 34/19), Odluke o kriterijima i načinu bodovanja i rangiranja kandidata za kadete OS BiH na vojnim akademijama u inostranstvu, broj: 10-33-2-232-81/23 od 06.12.2023. godine i pozivnog pisma Hrvatskog vojnog učilišta Republike Hrvatske, u cilju odabira kandidata/kinja za školovanje na vojnim akademijama u inostranstvu, Ministarstvo odbrane Bosne i Hercegovine, raspisuje,

JAVNI KONKURS
za školovanje kadeta na prijediplomskim studijskim programima Vojno vođenje i upravljanje i Vojno inženjerstvo u Republici Hrvatskoj za školsku 2025/2026. godinu

I – PREDMET KONKURSA

Ministarstvo odbrane Bosne i Hercegovine raspisuje Javni konkurs za školovanje kadeta u Republici Hrvatskoj, za školsku 2025/2026. godinu, i to:

1. **Studijski program Vojno vođenje i upravljanje - četiri kadeta,**
2. **Studijski program Vojno inženjerstvo - četiri kadeta.**

II – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18):
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama Bosne i Hercegovine,
 - c) da nije osuđivan na безусловnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica, zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti (uslov koji će biti ispunjen po završetku vojne akademije).

2. Posebni uslovi:

- a) završena srednja škola IV stepen ili da trenutno pohađa četvrti razred srednje škole,
- b) da je postigao/la ukupan uspjeh tokom školovanja najmanje dobar,
- c) kandidati/kinje koji trenutno pohađaju četvrti razred srednje škole, po završetku istog, moraju odmah, a ne kasnije od 21.06.2025. godine, dostaviti ovjerene kopije svjedočanstava i diplome preporučeno putem poštanske službe na adresu Ministarstva odbrane Bosne i Hercegovine,
- d) kandidati/kinje koji trenutno pohađaju četvrti razred srednje škole, po završetku istog, moraju u svjedočanstvu sa polugodišta imati najmanje isti ukupan prosjek ocjena, kao i u svjedočanstvu sa polugodišta četvrtog razreda, koje su predali u dokumentima za prijavu na Javni konkurs. Ministarstvo odbrane BiH zadržava pravo na prekid postupka upućivanja kandidata/kinje za kadeta na školovanje, ukoliko lice nema minimalno isti prosjek kao i na polugodištu četvrtog razreda,
- e) da nije mlađi/a od 18 i stariji/a od 22 godine na dan 30.09.2025. godine,
- f) poznavanje engleskog jezika (test ALCPT- minimalno 80 bodova),
- g) poznavanje rada na računaru (Word, Excel, Power Point, Internet),
- h) razumijevanje hrvatskog jezika za nesmetano praćenje nastave i ispunjavanje studijskih obaveza,
- i) fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi i trčanje na 3200 metara.

Napomena:

1. Kandidati/kinje prijavljeni na Javni konkurs proći će test fizičke spremnosti, test općeg znanja, psiho test, test iz poznavanja engleskog jezika i intervju.
2. Rangiranja kandidata/kinja vršit će se na osnovu kriterija odobrenih od strane ministra odbrane Bosne i Hercegovine i sa kojima će biti upoznati kandidati/kinje, koji budu pozvani na testiranja i provjere. Posebno će biti izvršeno bodovanje općeg uspjeha i bodovanje prosjeka ocjena iz matematike. Kandidati sa boljim općim i uspjehom iz matematike, imat će prednost prilikom izbora.
3. Eliminacioni uslovi za prijem na vojne akademije su uspješno položeni: psihotest, test fizičke spremnosti, test engleskog jezika i ljekarski pregledi. U slučaju istog broja bodova po provedenom postupku izbora kandidata, prednost ima kandidat spola koji je manje zastupljen u OS BiH.
4. Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine, a zdravstveni pregled kandidata/kinja, koji uspješno prođu testiranje, obaviti će nadležna ustanova u organizaciji Ministarstva odbrane Bosne i Hercegovine.

III – ŠKOLOVANJE, PRAVA I OBAVEZE

1. Školovanje kadeta na preddiplomskim studijskim programima Vojno vođenje i upravljanje i Vojno inženjerstvo u Republici Hrvatskoj traje četiri godine.
2. Odabrani kandidati/kinje imat će status kadeta, čija će prava i obaveze biti regulisane u skladu sa Zakonom o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18), Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18 32/20 i 65/20), Pravilnikom o školovanju kadeta i vojnih stipendista („Službeni glasnik BiH“, broj: 34/19) i Ugovorom o školovanju.

3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg smjera/roda.
4. Međusobne obaveze kandidata/kinja izabranog/ne za školovanje na prijediplomske studijske programe Vojno vođenje i upravljanje i Vojno inženjerstvo na Hrvatskom vojnom učilištu u Republici Hrvatskoj i Ministarstva odbrane Bosne i Hercegovine, regulišu se Ugovorom o školovanju.
5. Za vrijeme školovanja kadetima je osiguran smještaj i ishrana u internatu vojno obrazovne ustanove na koju se upućuju.

IV – POTREBNI DOKUMENTI

- a) Potpisana prijava i lični (biografski) podaci (isključivo na propisanom obrascu ponuđenom na www.mod.gov.ba).
- b) Ovjerene kopije svjedočanstava svih razreda srednje škole.
- c) Ovjerena kopija diplome četverogodišnje srednje škole, odnosno svjedočanstava sa polugodišta četvrtog razreda, ukoliko osoba pohađa četvrti razred, s tim da su kandidati/kinje u obavezi naknadno dostaviti ovjerene kopije svjedočanstava i diplome četvrtog razreda, gdje prosjek ocjena ne smije biti manji od prosjeka ocjena sa polugodišta četvrtog razreda.
- d) Ovjerena kopija nostrifikovane diplome i ekvivalencije svjedočanstava razreda završenih u inostranstvu od strane nadležnog organa, original ili ovjerena kopija, ukoliko je kandidat/kinja pohađao/la ili završio/la školu u inostranstvu.
- e) Original ili ovjerena kopija Uvjerenja o državljanstvu, ne starije od šest mjeseci od dana izdavanja, (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog).
- f) Original ili ovjerena kopija Izvoda iz matične knjige rođenih, trajnog karaktera.
- g) Original ili ovjerena kopija Uvjerenja da se ne vodi krivični postupak, niti da je potvrđena optužnica, ne starije od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog).
- h) Izjava kandidata/kinje da u posljednje tri godine nije otpušten/a sa posla zbog povrede službene dužnosti, ovjerena kod nadležnog općinskog organa (isključivo na propisanom obrascu ponuđenom na www.mod.gov.ba).
- i) Original ili ovjerena kopija dokaza o prebivalištu (CIPS) , izdat od strane nadležnog općinskog organa uprave, ne stariji od tri mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog).
- j) Dokaz o poznavanju rada na računaru:
Kandidati/kinje koji/e tokom školovanja u srednjoj školi nisu imali/e predmet informatika dostavljaju certifikat ili potvrdu, o kojima se vodi službena evidencija o poznavanju rada na računaru (ove akte izdaju državni organi ili nedržavni subjekti, u skladu sa podacima iz službene evidencije koje imaju karakter javne isprave, ukoliko te poslove obavljaju na osnovu javnog ovlaštenja).
- k) Saglasnost za obradu biografskih podataka/informacija za potrebe procesa konkurisanja na vojnu akademiju (isključivo na propisanom obrascu ponuđenom na www.mod.gov.ba).

Napomena: Kandidatima koji ne budu izabrani u procesu izbora omogućava se preuzimanje ličnih dokumenata koji su dostavljeni u procesu prijema u roku od 30 dana od donošenja konačne odluke ministra odbrane BiH o izboru kandidata.

V – IZBOR KANDIDATA

Izbor kandidata/kinje izvršit će Komisija koju će formirati ministar odbrane Bosne i Hercegovine.

Testiranju kandidata mogu prisustovati ovlaštena lica države prijema, po njihovom zahtjevu.

VI- PRIJAVA NA JAVNI KONKURS

Prijava sa potrebnim traženim dokumentima dostavlja se preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom „Javni konkurs za školovanje kadeta u Republici Hrvatskoj“

Konkurs ostaje otvoren 15 dana od dana objavljivanja. Ispunjavanje uvjeta utvrđenih ovim Javnim konkursom računa se danom predaje prijave.

Neblagovremene prijave kandidata neće se uzeti u razmatranje.

Ukoliko u prijavi i dokumentaciji postoje formalni nedostaci (nepotpuna i neuredna prijava), lice se poziva da u roku od pet dana ispravi navedene formalne nedostatke i dostavi potrebnu dokumentaciju, u skladu sa Zakonom o upravnom postupku Bosne i Hercegovine.

Broj: 10-33-2-1064-3/25

MINISTAR

Sarajevo: 16.04.2025. godine

Zukan Helez